



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏ
Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

17 նոյեմբերի 2025 թվական

ք.Երևան

Հայաստանի Հանրապետության Վճռաբեկ դատարանի քրեական պալատը,

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Ս.ԱՎԵՏԻՍՅԱՆԻ
Հ.ԳՐԻԳՈՐՅԱՆԻ
Ա.ԴԱՆԻԵԼՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ

ուսումնասիրելով թիվ ԱՎԴ1/0198/01/25 քրեական վարույթի տարածքային ընդդատության հարցը լուծելու համար Վճռաբեկ դատարանի քրեական պալատ ուղարկելու մասին Երևան քաղաքի առաջին ատյանի ընդհանուր իրավասության քրեական դատարանի՝ 2025 թվականի հոկտեմբերի 8-ի որոշումը,

Պ Ա Ր Զ Ե Ց

Վարույթի դատավարական նախապատմությունը.

1. 2025 թվականի օգոստոսի 26-ին Արարատի և Վայոց ձորի մարզերի առաջին ատյանի ընդհանուր իրավասության դատարանում ստացվել է Արհիիրուպ Պրադիոտ

Կանտի Հագրանիի վերաբերյալ՝ ՀՀ քրեական օրենսգրքի 424-րդ հոդվածի 1-ին մասով թիվ 58224725 (ԱՎԴ1/0198/01/25) քրեական վարույթը:

2. Արարատի և Վայոց ձորի մարզերի առաջին ատյանի ընդհանուր իրավասության դատարանը (դատավոր Մ.Գրիգորյան) 2025 թվականի օգոստոսի 27-ին որոշում է կայացրել թիվ ԱՎԴ1/0198/01/25 քրեական գործի վարույթն ստանձնելու և նախնական դատալսումներ նշանակելու մասին:

3. Արարատի և Վայոց ձորի մարզերի առաջին ատյանի ընդհանուր իրավասության դատարանը 2025 թվականի սեպտեմբերի 30-ին՝ նախնական դատալսումների ընթացքում, որոշում է կայացրել թիվ ԱՎԴ1/0198/01/25 քրեական վարույթի տարածքային ընդդատությունը փոխելու և այն Երևան քաղաքի առաջին ատյանի ընդհանուր իրավասության քրեական դատարան փոխանցելու մասին:

4. Երևան քաղաքի առաջին ատյանի ընդհանուր իրավասության քրեական դատարանը (դատավոր Զ.Հայրապետյան) 2025 թվականի հոկտեմբերի 8-ին որոշում է կայացրել թիվ ԱՎԴ1/0198/01/25 քրեական վարույթը Վճռաբեկ դատարանի քրեական պալատ ուղարկելու մասին՝ ընդդատության հարցը լուծելու համար:

5. Քրեական վարույթը Վճռաբեկ դատարանում ստացվել է 2025 թվականի նոյեմբերի 10-ին:

Ընդդատության վերաբերյալ հարցը լուծելու համար էական նշանակություն ունեցող փաստական հանգամանքները.

6. Արհիիրույ Պրադիոտ Կանտի Հագրանիի նկատմամբ ՀՀ քրեական օրենսգրքի 424-րդ հոդվածի 1-ին մասով հանրային քրեական հետապնդում է հարուցվել այն բանի համար, որ «[Ե]ա, Հայաստանի Հանրապետության ինքնիշխանությանը, տարածքային անձեռնմխելիությանը և արտաքին անվտանգությանն ի վնաս օգտագործելու համար օտարերկրյա պետության հետախուզության ծառայության ներկայացուցչի առաջադրանքով այլ տեղեկություն հավաքելու և հանձնելու եղանակով կատարել է լրրկություն:

Այսպես.

*****-ի Հանրապետության քաղաքացի Արհիիրույ Պրադիոտ Կանտի Հագրանին, դեռևս չպարզված ժամանակ և հանգամանքներում հավաքագրվելով

*****-ի Հանրապետության հեռախոցության ծառայության կողմից, Կվել է իր համաձայնությունը համագործակցելու վերաբերյալ, ի կատարումն որի՝ 2023 թվականի օգոստոսին, ինչպես նաև 2024 թվականի մարտ, սեպտեմբեր և դեկտեմբեր ամիսներին այցելել է *****-ի Հանրապետություն, որտեղ նշված պետության հայրուկ ծառայության դեռևս ինքնությունը չպարզված ներկայացուցիչների կողմից ստացել է հայրուկ առաջադրանք՝ հանձնելու նպատակով հավաքել այլ տեղեկություններ՝ ի վնաս Հայաստանի Հանրապետության ինքնիշխանության, քաղաքացիական անձեռնմխելիության և արտաքին անվտանգության օգտագործելու նպատակով, որից հետո՝ 2024 թվականի դեկտեմբերի 13-ին, «*****» սահմանային անցակետով մուտք է գործել Հայաստանի Հանրապետություն և մինչև 2024 թվականի դեկտեմբերի 18-ն ընկած ժամանակահատվածում այցելել է ***** մարզի ***** համայնքի ***** բնակավայր, որտեղ իր մոտ առկա բջջային հեռախոսով լուսանկարահանել է Հայաստանի Հանրապետության և ***** Հանրապետության սահմանի Հայաստանի Հանրապետության զինված ուժերի մարտական հենակետեր տանող ավտոճանապարհները, ինչպես նաև մարտական հենակետերի տեղակայման բարձունքները, որոնք հեռագայում հանձնել է օդատերկրյա պետության հեռախոցության ծառայության ներկայացուցիչին:

Այնուհետև, 2025 թվականի մայիսի 10-ին Արհիբուպ Պրադիտր Կանարի Հազրանին, շարունակելով իր հանցավոր մտադրությունը, *****-ի Հանրապետության հեռախոցության ծառայության ներկայացուցչի կողմից նախապես ստացված հանձնարարության հիման վրա, կրկին «*****» սահմանային անցակետով ժամանել է Հայաստանի Հանրապետություն և 2025 թվականի մայիսի 11-ին ի վնաս Հայաստանի Հանրապետության ինքնիշխանության, քաղաքացիական անձեռնմխելիության և արտաքին անվտանգության օգտագործելու նպատակով հավաքել է այլ տեղեկություններ՝ իր մոտ առկա բջջային հեռախոսով լուսանկարահանել է Հայաստանի Հանրապետության և *****-ի Հանրապետության սահմանի Հայաստանի Հանրապետության զինված ուժերի ավտոճանապարհները, ինչպես նաև մարտական հենակետերի տեղակայման ուժերի

մարտական հենակետ տանող բարձունքները, որի ընթացքում հայրնաբերվել և ձերբակալվել է ՀՀ ԱԱԾ ծառայողների կողմից»¹:

7. Արարատի և Վայոց ձորի մարզերի առաջին ատյանի ընդհանուր իրավասության դատարանը 2025 թվականի սեպտեմբերի 30-ի որոշմամբ արձանագրել է հետևյալը. «(...) Նկարի ունենալով, որ մեղադրյալ Արհիրույզ Պրադիրյուր Կանյի Հագրանին համաձայնվել է, որպեսզի քրեական գործի տարածքային ընդդիմությունը փոխվի և գործն ըստ ընդդիմության ուղարկվի Երևան քաղաքի առաջին ատյանի ընդհանուր իրավասության քրեական դատարան, հաշվի առնելով, որ վարույթի մասնավոր մասնակիցների և վկաների մեծամասնությունը՝ մեղադրյալի պաշտպանը և թվով չորս վկաներից երեքը, այսինքն՝ թվով վեց վարույթի մասնավոր մասնակիցներից և վկաներից չորսը բնակվում են Երևան քաղաքի առաջին ատյանի ընդհանուր իրավասության քրեական դատարանի դատական տարածքում, հերևաբար՝ քրեական գործի տարածքային ընդդիմությունը պետք է փոխվի և գործն ըստ ընդդիմության փոխանցվի Երևան քաղաքի առաջին ատյանի ընդհանուր իրավասության քրեական դատարան (...)»²:

8. Երևան քաղաքի առաջին ատյանի ընդհանուր իրավասության քրեական դատարանը 2025 թվականի հոկտեմբերի 8-ի որոշմամբ արձանագրել է հետևյալը. «(...) Արարատի և Վայոց ձորի մարզերի առաջին ատյանի ընդհանուր իրավասության դատարանը 2025 թվականի սեպտեմբերի 30-ին կայացած դատական նիստում գործի տարածքային ընդդիմությունը փոխելու որոշման հիմքում դրել է այն հանգամանքը, որ վարույթի մասնավոր մասնակիցների մեծամասնությունը բնակվում է երևան քաղաքում՝ նկարի ունենալով երկու վկաներին և պաշտպանին: (...) Դատարանն արձանագրում է, որ տարածքային ընդդիմության փոփոխությունը վարույթի մասնակիցների՝ այլ վայրում բնակվելու հիմքով, չպետք է կիրառվի ինքնապատշաճ, այլ միայն այն բացառիկ դեպքերում, երբ դա է պահանջում արդարադատության շահը՝ գործի քննությունը ողջամիտ ժամկետներում իրականացնելու համար: Հակառակ պարագայում կառաջանա արդարադատության իրականացման խոչընդոտ:

Դատարանն արձանագրում է, որ այդպիսի փոփոխությունը պետք է պայմանավորված լինի նաև դատարանների միջև որոշակի տարածքային

¹ Տե՛ս քրեական վարույթ, հատոր 1, թերթեր 95-97:

² Տե՛ս քրեական վարույթ, հատոր 3, թերթեր 49-50:

հեռավորությամբ, որը կարող է խոչընդոտել գործի արագ քննությանը: Մինչդեռ, Երևան քաղաքի և Արարատի մարզի, մասնավորապես՝ Դասարանի նախալայրի՝ Մասիս քաղաքի միջև հեռավորությունը չնչին է և հեղուկաբար երկու վկաների՝ դատական նիստին ներկայանալու համար օբյեկտիվորեն չի կարող սպեղծել խոչընդոտ:

(...) Բացի այդ, Դասարանը հարկ է համարում անդրադառնալ, որ գործում չկա որևէ ողջամիտ ենթադրություն կամ փաստարկ առ այն, որ գործով անցնող երկու վկաների և պաշտպանի համար Դասարանի տարածքը կարող է խոչընդոտ հանդիսանալ կամ ազդել գործը ողջամիտ ժամկետներում քննելու համար: Հիշյալ հեղուկությանը հանգելիս, Դասարանը կարևոր է համարում նշել նաև, որ մեղադրյալը կալանքը կրում է ՀՀ ԱՆ «Արմավիր» քրեակատարողական հիմնարկում, հեղուկաբար վերջինիս ներկայությունն է կարևոր դատական նիստերին՝ առավելապես այն պարագայում, երբ վկաները բոլոր նշանակվող դատական նիստերին չէ, որ պետք է մասնակցեն, այլ, որպես կանոն, մեկ անգամ պետք է հարցաքննվեն:

Ինչ վերաբերում է պաշտպանի՝ Երևան քաղաքի առաջին ատյանի ընդհանուր իրավասության դատարանի դատական տարածքում բնակվելու հանգամանքով գործը հիշյալ դատարան փոխանցելու պատճառաբանությանը, հարկ է ընդգծել, որ այն ևս վերը նշված հիմնավորումների հետ դիտարկելիս, չի կարող դրվել գործը տարածքային ընդդատությամբ փոխանցելու հիմքում (...)»³:

Վճռաբեկ դատարանի քրեական պալատի հիմնավորումները և եզրահանգումը.

9. Սույն վարույթով բարձրացված իրավական հարցը հետևյալն է. հիմնավոր է արդյո՞ք Արարատի և Վայոց ձորի մարզերի առաջին ատյանի ընդհանուր իրավասության դատարանի կողմից թիվ ԱՎԴ1/0198/01/25 քրեական վարույթի տարածքային ընդդատությունը փոխելու և քրեական վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելու մասին որոշումը:

³ Տե՛ս քրեական վարույթ, հատոր 4, թերթեր 3-7:

10. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր *ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք*»:

11. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր *ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա ստեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք*»:

11.1. Մարդու իրավունքների եվրոպական դատարանը, «*օրենքի հիման վրա ստեղծված դատարան*» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»⁴:

Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «*Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա*»⁵:

12. Վճռաբեկ դատարանն անձի՝ օրենքի հիման վրա ստեղծված դատարանի կողմից իր գործի քննության իրավունքի հիմնարար նշանակության վերաբերյալ իրավական դիրքորոշում է ձևավորել *Գևորգ Հարությունյանի* գործով որոշմամբ⁶:

13. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Այդ չափանիշների հիմքում ընկած է ոչ թե իրավակիրառների

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

սուբյեկտիվ հայեցողությունը, այլ քրեական վարույթի օրենքով սահմանված օբյեկտիվ հատկանիշները, որոնց առկայությունն էլ թույլ է տալիս արձանագրել տվյալ դատարանի՝ այդպիսին հանդես գալու իրավունքն այդ վարույթով: Միաժամանակ, ընդդատության կանոնները կոչված են անձին գերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել իրենց ընդդատյա չլինելու պատճառաբանությամբ:

14. ՀՀ քրեական դատավարության օրենսգրքի 261-րդ հոդվածի 5-րդ մասի համաձայն՝ *«Տարածքային ընդդատությունը բոլոր մեղադրյալների համաձայնությամբ կարող է փոխվել, եթե վարույթի մասնավոր մասնակիցների և վկաների մեծամասնությունը քնակվում է առաջին արյանի մեկ այլ դատարանի դատական տարածքում: Ընդդատությունը փոխելու որոշումն ընդունում է մեղադրանքը քննող դատարանը»:*

Նույն օրենսգրքի 263-րդ հոդվածի համաձայն՝ *«(...) 4. Վարույթն ըստ տարածքային ընդդատության սրացած առաջին արյանի ընդհանուր իրավասության դատարանը մինչև նախնական դատալսումներ նշանակելը եռօրյա ժամկետում որոշում է կայացնում վարույթը Վճռաբեկ դատարանի քրեական պալատ ուղարկելու մասին, եթե համաձայն չէ վարույթի տարածքային ընդդատությանը:*

(...)

7. Սույն հոդվածի 4-րդ մասով նախատեսված դեպքում Վճռաբեկ դատարանի քրեական պալատը վարույթը Վճռաբեկ դատարանում սրանալու պահից հնգօրյա ժամկետում վերջնականապես լուծում է վարույթի տարածքային ընդդատության հարցը: (...)»:

14.1. Անհրաժեշտ է ընդգծել, որ ընդդատությունը փոխելու վերոնշյալ հայեցողական լիազորությունը կարող է գործադրվել բացառիկ դեպքերում, երբ բավարար փաստական տվյալների վկայակոչմամբ համոզիչ կերպով կհիմնավորվի ընդդատությունը փոխելու օրենսդրի կողմից առաջադրվող պայմանների առկայությունը, ինչպես նաև քրեական վարույթի տարածքային ընդդատությունը փոխելու անհրաժեշտությունը՝ արդարադատության շահի տեսանկյունից: Հետևաբար, նշված նորմը մեկնաբանելիս չպետք է դրսևորվի չափազանց ձևական մոտեցում, այն չպետք է ենթարկվի լայն մեկնաբանության:

15. Սույն վարույթի նյութերի ուսումնասիրությունից երևում է, որ՝

- վարույթին ներգրավված են թվով հինգ մասնավոր մասնակիցներ և վկաներ, որոնցից մեղադրյալ Աբիիրույ Արադիոտ Կանտի Հագրանիի նկատմամբ որպես խափանման միջոց է ընտրված կալանքը, և վերջինս գտնվում է ՀՀ արդարադատության նախարարության «Արմավիր» քրեակատարողական հիմնարկում, վկա *****-ի բնակության վայրն է Արարատի մարզը, իսկ վկաներ *****-ի, *****-ի և պաշտպան Մարատ Ատովյանի բնակության վայրն է Երևան քաղաքը⁷:

- Արարատի և Վայոց ձորի մարզերի առաջին ատյանի ընդհանուր իրավասության դատարանը, փաստելով, որ վարույթի մասնավոր մասնակիցների և վկաների մեծամասնությունը բնակվում է Երևան քաղաքում, ինչպես նաև այն, որ մեղադրյալն իր համաձայնությունն է հայտնել վարույթի տարածքային ընդդատությունը փոխելու վերաբերյալ, որոշում է կայացրել քրեական վարույթի տարածքային ընդդատությունը փոխելու և վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելու մասին⁸:

- Երևան քաղաքի առաջին ատյանի ընդհանուր իրավասության քրեական դատարանը փաստել է, որ տարածքային ընդդատության փոփոխությունը՝ վարույթի մասնակիցների՝ այլ վայրում բնակվելու հիմքով, չպետք է կիրառվի ինքնանպատակ, այլ միայն այն բացառիկ դեպքում, երբ դա է պահանջում արդարադատության շահը՝ գործի քննությունը ողջամիտ ժամկետում իրականացնելու համար:

Մինչև սույն ժամանակ, Երևան քաղաքի առաջին ատյանի ընդհանուր իրավասության քրեական դատարանն ընդգծել է, որ գործում չկա որևէ ողջամիտ ենթադրություն կամ փաստարկ առ այն, որ գործով անցնող երկու վկաների և պաշտպանի համար Դատարանի տարածքը կարող է խոչընդոտ հանդիսանալ կամ ազդել գործը ողջամիտ ժամկետներում քննելու համար⁹:

16. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ Վճռաբեկ դատարանի քրեական պալատը փաստում է,

⁷ Տե՛ս վարույթի նյութեր, հատոր 2, թերթ 193:

⁸ Տե՛ս սույն որոշման 7-րդ կետը:

⁹ Տե՛ս սույն որոշման 8-րդ կետը:

որ Արարատի և Վայոց ձորի մարզերի առաջին ատյանի ընդհանուր իրավասության դատարանը, քրեական վարույթի տարածքային ընդդատությունը փոխելիս և վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելիս, չի պահպանել ՀՀ քրեական դատավարության օրենսգրքի 261-րդ հոդվածի 5-րդ մասի պահանջները: Մասնավորապես, Վճռաբեկ դատարանի քրեական պալատը կրկնում է, որ քրեական վարույթի տարածքային ընդդատությունը կարող է փոխվել միայն բացառիկ դեպքերում, **երբ բավարար փաստական տվյալների վկայակոչմամբ համոզիչ կերպով կհիմնավորվի** ընդդատությունը փոխելու համար առաջադրվող պայմանների առկայությունը, ինչպես նաև քրեական **վարույթի տարածքային ընդդատությունը փոխելու անհրաժեշտությունը՝ արդարադատության շահի տեսանկյունից:**

Մինչդեռ, սույն դեպքում Արարատի և Վայոց ձորի մարզերի առաջին ատյանի ընդհանուր իրավասության դատարանը որևէ հիմնավորում չի ներկայացրել, թե քրեական վարույթի տարածքային ընդդատությունը փոխելն որքանով է արդարացված և անհրաժեշտ արդարադատության շահի տեսանկյունից: Վճռաբեկ դատարանի քրեական պալատը գտնում է, որ Արարատի և Վայոց ձորի մարզերի առաջին ատյանի ընդհանուր իրավասության դատարանը վարույթի տարածքային ընդդատությունը փոխել և վարույթը Երևան քաղաքի առաջին ատյանի ընդհանուր իրավասության քրեական դատարան է փոխանցել վերոնշյալ բացառիկ հիմքերի բացակայության պայմաններում՝ **դրսևորելով խիստ ձևական մոտեցում:**

Ուստի, սույն վարույթի փաստական հանգամանքների գնահատմամբ, Վճռաբեկ դատարանի քրեական պալատը հիմնավոր է համարում Երևան քաղաքի առաջին ատյանի ընդհանուր իրավասության քրեական դատարանի այն դատողությունը, որ Արարատի և Վայոց ձորի մարզերի առաջին ատյանի ընդհանուր իրավասության դատարանը չի ներկայացրել որևէ փաստարկ առ այն, որ գործով անցնող երկու վկաների և պաշտպանի համար Արարատի և Վայոց ձորի մարզերի առաջին ատյանի ընդհանուր իրավասության դատարանի դատական տարածքը կարող է խոչընդոտ հանդիսանալ կամ ազդել գործը ողջամիտ ժամկետներում քննելու համար:

Վճռաբեկ դատարանի քրեական պալատի վերոգրյալ դիրքորոշումը, ի թիվս այլնի, հիմնված է նաև այն հանգամանքի վրա, որ սույն վարույթով քննությունն

իրականացվում է Արարատի և Վայոց ձորի մարզերի առաջին ատյանի ընդհանուր իրավասության դատարանի Մասիսի նստավայրում:

17. Ամփոփելով՝ Վճռաբեկ դատարանի քրեական պալատն արձանագրում է, որ Արարատի և Վայոց ձորի մարզերի առաջին ատյանի ընդհանուր իրավասության դատարանի կողմից թիվ ԱՎԴՆ/0198/01/25 քրեական վարույթի տարածքային ընդդատությունը փոխելու և քրեական վարույթն Երևան քաղաքի առաջին ատյանի ընդհանուր իրավասության քրեական դատարան փոխանցելու մասին որոշումը հիմնավոր չէ:

18. Վերոգրյալի հիման վրա, Վճռաբեկ դատարանի քրեական պալատը գտնում է, որ սույն քրեական վարույթն ըստ ընդդատության պետք է ուղարկել Արարատի և Վայոց ձորի մարզերի առաջին ատյանի ընդհանուր իրավասության դատարան:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 7-րդ մասով՝ Վճռաբեկ դատարանի քրեական պալատը

Ո Ր Ո Շ Ե Ց

Թիվ ԱՎԴՆ/0198/01/25 քրեական վարույթն ըստ ընդդատության ուղարկել Արարատի և Վայոց ձորի մարզերի առաջին ատյանի ընդհանուր իրավասության դատարան:

Նախագահող՝ _____ Հ.ԱՍԱՏՐՅԱՆ

Դատավորներ՝ _____ Ս.ԱՎԵՏԻՍՅԱՆ

_____ Հ.ԳՐԻԳՈՐՅԱՆ

_____ Ա.ԴԱՆԻԵԼՅԱՆ

_____ Լ.ԹԱԴԵՎՈՍՅԱՆ

_____ Ա.ՊՈՂՈՍՅԱՆ